


2.2 Skipurit Alcoa fjarðaáls



Fernando Costa,
forstjóri

Fernando Costa tók við stöðu forstjóra Alcoa Fjarðaáls í nóvember árið 2023. Hann kom til Reyðarfjarðar frá Pittsburgh í Bandaríkjunum, þar sem hann sinnti starfi svæðisstjóra Viðskiptakerfis Alcoa (ABS) í Norður Ameríku. Fernando hóf störf hjá álverinu í Alumar í Brasilíu árið 2002 og kom að ferlaþróun og rekstri kerskála. Árið 2015 flutti hann til Bandaríkjanna og tók við starfi tæknistjóra við Wenatchee verksmiðjuna og leiddi síðar rekstur málmvinnslu fyrirtækisins. Árið 2017 tók hann þátt í að koma rekstri álvers Alcoa í Warrick aftur af stað eftir að hlé var gert á framleiðslunni og stýrði þar framleiðslu forskauta.

Fernando er með Executive MBA gráðu frá Háskólanum í Pittsburg auk þess að vera með MBA gráðu frá Fundacao Getulio Vargas í Brasilíu.



Vigdís Diljá Óskarsdóttir,
stjórnandi samskipta- og samfélagsmála

Vigdís Diljá gekk til liðs við Alcoa Corporation í febrúar 2024 og er stjórnandi samskipta- og samfélagsmála Alcoa á Íslandi. Vigdís Diljá hefur starfað sem fréttamaður og við dagskrárgerð í sjónvarpi en áður en hún hóf störf hjá Alcoa gegndi hún starfi verkefnastjóra hjá sveitarfélaginu Múlapingi.

Vigdís Diljá er með BA gráðu í fjölmiðlafræði frá Háskólanum á Akureyri.



Rakel Þráinsdóttir,
innkaupastjóri

Rakel hefur starfað sem innkaupastjóri síðan í október 2024. Rakel gekk til liðs við Alcoa árið 2022 sem innkaupasérfræðingur. Áður en hún hóf störf hjá Alcoa starfaði hún sem lögfræðingur hjá sýslumanni, yfirskattanefnd og Skattinum.

Rakel er með meistaragráðu (Mag. jur.) í lögfræði frá Háskóla Íslands.



Smári hefur gegnt stöðu framkvæmdastjóra álframleiðslu frá árinu 2023. Smári gekk til liðs við Alcoa árið 2006 sem ferliseigandi í kerskála. Árið 2008 tók hann við starfi framkvæmdastjóra steypuskála og gegndi því til ársins 2014 þegar hann tók við sem framkvæmdastjóri kerskála. Árið 2018 tók hann jafnframt við stýringu skautsmiðju. Smári var framkvæmdastjóri framleiðsluþróunar frá 2019 – 2021 og frá 2021 – 2023 sinnti hann stöðu framkvæmdastjóra mannauðsmála. Áður en Smári hóf störf hjá Alcoa starfaði hann sem hugbúnaðarráðgjafi.

Smári er með B.Sc. gráðu í stjórnumunarfræðum frá Háskólanum á Akureyri.

Smári Kristinsson,
framkvæmdastjóri framleiðslu



Júlíus hóf störf hjá Alcoa Fjarðaáli árið 2006 sem verkfræðingur. Á árunum til 2015 starfaði hann sem yfirverkfræðingur í skautsmiðju, umhverfistækniteymi og í kerskála. Árið 2015 varð hann framkvæmdastjóri skautsmiðju og árið 2018 tók hann við stöðu framkvæmdastjóra steypuskála. Júlíus hefur verið framkvæmdastjóri ABS frá því í apríl 2022 en hann sinnti auk þess starfi framkvæmdastjóra umhverfis-, heilsu- og öryggismála frá febrúar 2022 til ársloka 2023. Áður en Júlíus hóf störf hjá Alcoa starfaði hann sem sérfræðingur hjá Orkustofnun.

Júlíus er með B.Sc. gráðu í véla- og iðnaðarverkfræði frá Háskóla Íslands og M.Sc. í framleiðslu og vöruhönnun við Danmarks Tekniske Universitet.

Júlíus Brynjarsson,
framkvæmdastjóri ABS & UT



Hlöðver Hlöðversson gekk til liðs við Alcoa árið 2016 þegar hann var ráðinn sem verkefnastjóri fjárfestinga en á árunum 2008 – 2016 sinnti hann því hlutverki sem verktaki. Snemma árs 2024 varð Hlöðver framkvæmdastjóri fjárfestinga. Áður var hann forstjóri Reykjalundar Plastiðnaðar.

Hlöðver er með meistaragráðu í iðnrekstrarverkfræði frá Álaborgarháskóla í Danmörku.

Hlöðver Hlöðversson,
framkvæmdastjóri fjárfestinga



Svanhildur Björg tók við stöðu framkvæmdastjóra viðhalds, áreiðanleika og upplýsingatækni í nóvember 2023. Svanhildur hóf störf hjá Fjarðaáli 2019 sem rekstrarstjóri viðhalds skautsmiðju, umhverfis og hafnar. Hún var verkefnastjóri hjá VHE á árunum 2015 – 2019 og þar á undan vann hún sem vélfræðingur.

Svanhildur lauk námi í vélstjórn og rafvirkjun árið 2012 frá Verkmenntaskólanum á Akureyri. Hún lauk véliðnfræði árið 2016 frá Háskólanum í Reykjavík og viðskiptafræði frá Háskólanum á Akureyri 2022.

Svanhildur Björg Pétursdóttir,
framkvæmdastjóri viðhalds og áreiðanleika



Óskar Sigurbergur Jónsson tekur við starfi framkvæmdastjóra verktakaþjónustu þann 1. maí 2025. Óskar hefur starfað hjá Alcoa Fjarðaáli í tæp 20 ár, fyrst sem framleiðslusérfræðingur í kerskála á árunum 2006 – 2009. Frá 2009 til 2014 var hann verkefnastjóri yfir byggingu og rekstur kersmiðju Fjarðaáls og frá 2014 til 2025 verkefnastjóri í fjárfestingateymi Alcoa Fjarðaáls.

Óskar er með BS í tæknifræði frá tækniháskóla Íslands.

Óskar Sigurbergur Jónsson,
framkvæmdastjóri verktakaþjónustu



Runólfur Sveinn Sigmundsson hóf störf sem framkvæmdastjóri fjármála í janúar 2025. Áður en Runólfur hóf störf hjá Fjarðaáli starfaði hann sem liðsstjóri á endurskoðunarsviði Deloitte frá 2016 þar sem hann sinnti endurskoðun og ráðgjöf til stórra og millistórra félaga á Íslandi. Runólfur er löggiltur endurskoðandi en þau réttindi öðlaðist hann árið 2023.

Runólfur er með B.Sc. gráðu í viðskiptafræði frá Háskóla Íslands og M.Acc gráðu frá sama háskóla í reikningsskilum og endurskoðun.

Runólfur Sveinn Sigmundsson,
framkvæmdastjóri fjármála



Ivar Sousa,
framkvæmdastjóri tæknimála

Ivar hóf störf sem tæknistjóri kerskála hjá Alcoa Fjarðaáli í desember 2024. Áður en hann kom til Fjarðaáls starfaði hann sem stjórnandi við endurræsingu kerskála hjá Alcoa Alumar í Brasilíu. Starfsferill hans hjá Alcoa hófst árið 2005 sem starfsnemi, síðar sem framleiðslusérfræðingur í kerskála Alumar á árunum 2008–2014. Árið 2014 gekk Ivar til liðs við Alcoa í Wenatchee í Bandaríkjunum. Ivar starfaði á árunum 2015–2021 hjá Hydro í Brasilíu.

Ivar er með B.Sc. í málmtæknifræði frá Federal Fluminense háskólanum og MBA gráðu frá Fundacao Getulio Vargas.



Kristinn Már Ingimarsson,
framkvæmdastjóri kerskálapjónustu

Kristinn Már tók í byrjun árs 2024 við stöðu framkvæmdastjóra kerskálapjónustu en hann hafði þá verið framkvæmdastjóri tæknimála álframleiðslu í rúmt ár. Kristinn hefur starfað hjá Alcoa Fjarðaáli síðan 2011. Fyrstu sex árin starfaði hann sem verkfræðingur í tækniteymi kerskála. Frá 2017 til 2019 var hann tæknistjóri skautsmiðju og umhverfis og frá 2019 tæknistjóri kerskála, skautsmiðju og kersmiðju.

Kristinn Már er með B.Sc. og M.Sc. gráðu í iðnaðarverkfræði frá Háskóla Íslands.



Ásgrímur Sigurðsson,
framkvæmdastjóri málmvinnslu

Ásgrímur starfaði sem framkvæmdastjóri viðhalds- og áreiðanleika frá september 2017 og tók við starfi framkvæmdastjóra málmvinnslu í apríl 2022. Hann hóf störf hjá Alcoa Fjarðaáli árið 2007 sem framleiðslusérfræðingur í steypuskála og starfaði sem ferliseigandi málmvinnslu frá 2012. Ásgrímur var hluti af miðlægu steypuskálateymi hjá móðurfyrirtækinu og var ráðgjafi hjá ýmsum starfsstöðvum á árunum 2015–2016. Áður en Ásgrímur hóf störf hjá Alcoa starfaði hann sem vélvirki og rennismiður.

Ásgrímur er með B.Sc. gráðu í véltæknifræði frá Háskólanum í Reykjavík og diplómu í verkefnastjórnun.



Helgi Einarsson,
framkvæmdastjóri umhverfis,
heilsu og öryggis

Helgi hóf störf sem framkvæmdastjóri umhverfis, heilsu og öryggis hjá Alcoa Fjarðaáli í upphafi árs 2024. Hann starfaði áður hjá Fjarðaáli á árunum 2006–2011 og hefur víðtæka alþjóðlega reynslu innan Alcoa samstæðunnar. Á árunum 2011–2015 gegndi Helgi stöðu framkvæmdastjóra heilbrigðis- og öryggismála hjá Ma'aden í Sádi-Arabíu. Þar á eftir starfaði hann hjá Alcoa í Englandi sem svæðisstjóri umhverfis-, heilsu- og öryggismála fyrir nokkrar sérhæfðar verksmiðjur í Evrópu, innan viðskiptaeyningar sem nú heyrir undir Arconic og Howmet Aerospace. Frá 2019 til 2022 var Helgi framkvæmdastjóri umhverfis-, heilsu- og öryggismála hjá Alcoa í Mosjøen í Noregi. Árið 2022 tók hann við sem framkvæmdastjóri álframleiðslu í sama álveri og gegndi þeirri stöðu þar til hann sneri aftur til Fjarðaáls.

Helgi er með meistaragráðu í stjórnun frá Háskólanum í Liverpool.



Davíð Þór Sigurðarson,
framkvæmdastjóri kerskála

Davíð hefur verið framkvæmdastjóri kerskála síðan í ársbyrjun 2024 en hann hafði þá sinnt starfi framkvæmdastjóra álframleiðslu Alcoa Fjarðaáls í tæpt ár. Davíð starfaði sem svæðisstjóri Eimskips á Austurlandi frá 2019 en var fyrir það starfsmaður hjá Alcoa Fjarðaáli frá árinu 2006. Hann var í innkaupateymi Alcoa Fjarðaáls frá 2006–2008, síðan í fjármálateyminu til 2010 og eftir það verkefnastjóri útflutnings og gæða í steypuskála.

Davíð lauk viðskiptafræði frá Háskólanum á Bifröst árið 2006 og hlaut meistaragráðu í alþjóðaviðskiptum frá sama skóla árið 2014.